



Në mbështetje të nenit 9 të Ligjit Nr. 03/L-222 për Administratën Tatimore dhe Procedurat, Drejtori i Përgjithshëm i Administratës Tatimore të Kosovës, nxjerrë:

## VENDIM SHPJEGUES PUBLIK NR. 06 / 2014 TATUARJA E PENSIONEVE ME RASTIN E TËHEQJES NGA FKPK

### QËLLIMI

Qëllimi i këtij Vendimi Shpjegues Publik është të sqaroj detyrimet tatimore, mënyrën e deklarimit dhe pagesës së Tatimit në të Ardhurat Personale, për tatimpaguesit që përfitojnë të ardhura në emër të pensioneve me shumë të tërësishme, si dhe duke përfshirë atë në faza.

### PËRKUFIZIMET

Për qëllimin e këtij Vendimi Shpjegues Publik, përkufizimet në vijim, kanë këtë kuptim:

**FKPK – Fondi i Kursimeve Pensionale të Kosovës** – një person juridik i themeluar sipas Ligji për Pensionet me qëllim të sigurimit të kursimeve pensionale të rezidentëve të Kosovës, siç është përcaktuar më tej në KREU-n III të Ligjit për Pensionet.

**Fond Plotësues** – është shtyllë e tretë e sistemit pensional në Kosovë dhe gjithashtu është institucion i licencuar nga Banka Qendrore e Kosovës.

**Pension** – është një pagesë e rregullt mujore për një pjesëmarrës (ose shfrytëzues) gjatë tërë jetës, duke filluar nga mosha e pensionimit, paaftësia fizike ose vdekja e pjesëmarrësit konform Ligjit Nr.04/L-101 për Fondet Pensionale dhe Ligjit Nr. 04/L-168 për Ndryshimin dhe Plotësimin e Ligjit Nr.04/L-101.

**Pjesëmarrës** – është person fizik në emër të cilit punëdhënësi ose pjesëmarrësi i paguan kontributet në Fondin e Kursimeve Pensionale të Kosovës, në çfarëdo fondi plotësues pensional të cilin e siguron punëdhënësi ose cildo sigures i pensioneve i licencuar, sipas Ligjit Nr.04/L-101 për Fondet Pensionale dhe Ligjit Nr. 04/L-168 për Ndryshimin dhe Plotësimin e Ligjit Nr.04/L-101.

**Përfitues** – nënkupton një person fizik të cilin e ka caktuar pjesëmarrësi ose kur pjesëmarrësi nuk ka caktuar askënd apo nëse përfituesi i caktuar vdes para pjesëmarrësit, atëherë pjesëmarrësi e trashëgon atë, i cili ka fituar ose mund të fitojë të drejtën në mjete pensionale në bazë të të drejtave të pjesëmarrësit.

**ATK** – Administrata Tatimore e Kosovës, njësi brenda Ministrisë së Financave, përgjegjëse për mbledhjen e tatimeve dhe kontributeve pensionale në Kosovë. Si e autorizuar për mbledhjen e tyre cakton rregullat për funksionimin e këtij procesi.

**I punësuar** – është personi fizik i cili kryen punë kundrejt pagesës sipas urdhrit nën kontrollin e një punëdhënësi, pa marrë parasysh nëse puna është kryer në bazë të kontratës, ndonjë marrëveshje të formës tjetër qoftë me shkrim apo e pa shkruar. I punësuar përfshinë të gjithë zyrtarët publik dhe anëtarët e organit ekzekutiv, organet përfaqësuese dhe gjyqësore.

**I vetëpunësuar** – është çdo person fizik i cili punon për përfitim personal, me para të gatshme ose me mallra, i cili nuk përfshihet në përkufizimin e të punësuarit sipas Ligjit Nr.03/L-161 për Tatim në të Ardhura Personale.

**Punëdhënësi** – është çdo person apo etnitet që paguan paga përveç tjerash: Autoriteti publik, Njësia e përhershme e personit jo rezident, Organizatë ndërkombëtare përfshirë edhe KFOR-in, me përjashtim të Kombeve të Bashkuara, agjencive të saj të specializuara dhe Agjencisë Ndërkombëtare për energji atomike.

**EDI** – është formë elektronike (on-line) e deklarimit / pagesës së tatimeve dhe kontributeve pensionale.

## **BAZA LIGJORE**

### **Rregullore mbi pagesën e pensioneve individuale të kursyera:**

Sipas Rregullores së Bankës Qendrore të Kosovës, të miratuar më 30 Tetor 2014, Mbi Pagesën e Pensioneve Individuale të Kursyera, Fondi dhe Ofruesi i Pensionit mund të krijojnë rregulla që të kryejnë pagesat e benifiteve të pensionit ndryshe nga blerja e kontratës së anuitetit në rastet kur:

- a. *Vlera në llogaritë individuale të pjesëmarrësit është 2,250 Euro ose më pak, Fondi dhe Ofruesit e pensioneve mund të paguajnë shumën totale.*
- b. *Vlera e kontributeve pensionale në llogaritë individuale të pjesëmarrësve është më e lartë se 2,250 Euro deri në 15,000 Euro, pjesëmarrësi gëzon të drejtën e tërheqjes përnjëherë 20% të shumës së mjeteve pensionale nga llogaria individuale, ndërsa pjesa e mbetur e mjeteve duhet të paguhet përmes programit të tërheqjes në faza e shprehur në përqindje e bilancit të llogarisë propozuar nga Fondi dhe ofruesit e pensioneve, i cili duhet të aprovohet nga BQK-ja.*



- c. *Vlera në llogarinë e pjesëmarrësit është mbi 15,000 Euro, pjesëmarrësi gëzon të drejtën e tërheqjes përnjëherë 20% të shumës së mjeteve pensionale nga llogaria individuale, ndërsa pjesa e mbetur e mjeteve duhet të paguhet përmes programit të tërheqjes në faza e shprehur në përqindje e bilancit të llogarisë propozuar nga Fondi dhe Ofruesit e pensioneve, i cili duhet të aprovohet nga BQK-ja.*

*Për pjesëmarrësit që kanë fituar statusin e invaliditetit para moshës së pensionimit, FKPK-ja duhet të bartë pjesërisht bilancin e kontributeve për pagesa fazore për aq kohë sa është përcaktuar invaliditetit nga komisioni përkatës.*

*Pagesat fazore për pensionin invalidor llogariten sipas programit të tërheqjes në faza të shumës minimale të propozuar nga Fondi dhe ofruesi i pensionit i cili aprovohet nga BQK-ja.*

*Pagesa mujore minimale nuk duhet te jetë më e vogël se pensioni bazë që paguhet në Republikën e Kosovës. Propozimi bëhet nga industria e pensioneve dhe aprovohet nga BQK-ja.*

*Pagesa e kontributeve është bërë në emër të përfituesit ose përfituesve të pjesëmarrësit, i cili ka vdekur para moshës së pensionimit të përcaktuar sipas ligjit në fuqi ose para arritjes në planin e pagesave fazore ose të kontratës efektive të anuitetit për pagesën e pensionit të asaj/atij, shuma nga llogaria individuale e pjesëmarrësit mund të transferohet në llogarinë individuale të përfituesit, nëse kështu zgjedh përfituesi. Shuma që është në llogarinë individuale gjithashtu, mund të paguhet në formë të dhënies së shumës së përgjithshme apo në formë të tërheqjes fazore sipas pikave a, b dhe c të këtij paragrafi, në rast se kështu zgjedh përfituesi.*

*Pjesëmarrësi që është duke pranuar pagesa fazore vdes para pranimit të vlerës që gjendet në Llogarinë Individuale, pagesat e mbetura fazore do t'i paguhet përfituesit/ve.*

## **Ligji Nr.04/L-101 për Fondet Pensionale të Kosovës dhe Ligji Nr. 04/L-168 për Ndryshimin dhe Plotësimin e Ligjit Nr.04/L-101:**

Neni 1 Përkufizimet, citojmë:

*“Administrata Tatimore e Kosovës - një njësi brenda Ministrisë së Financave, përgjegjëse për mbledhjen e tatimeve dhe kontributeve pensionale në Kosovë”.*

Neni 6, Mbledhja e kontributeve për financimin e pensioneve të kursimeve individuale, citojmë:

*“Çdo punëdhënës është i obliguar që të kontribuojë në emër të punonjësve të vet në Fondin e kursimeve pensionale. Punonjësit obligohen që të kontribuojnë në emër të vet në kursimet pensionale. Obligimet e punëdhënësit dhe të punonjësit fillojnë në ditën e parë të punësimit të punëdhënësit për punonjësit që kanë krijuar marrëdhënie pune dhe përfundojnë kur punonjësi arrin moshën e pensionit”.*

Neni 12, Pagesa e kursimeve individuale pensionale, citojmë:

*“Kur pjesëmarrësi arrin Moshën e Pensionimit, ai ose ajo do të bën blerjen e kursimeve pensionale në njërin nga format e Anuiteteve të caktuara në paragrafin 12.6 me të terën ose me*

*një pjesë të shumës së Llogarisë Individuale të tij apo saj. BQK kohe pas kohe nxjerrë rregullore që specifikojnë minimumin e Kursimeve Pensionale që duhet të rezultojë nga blerja e një anuiteti”.*

*“.....Nëse pjesëmarrësi i cili nuk e ka blerë pensionin vjetor në pajtim me këtë nen vdes para moshës së pensionit, shuma në llogarinë e pjesëmarrësit i paguhet përfituesit apo shfrytëzuesve. Pagesa mund të bëhet në formë të dhënies së shumës së përgjithshme apo të transferit në llogarinë individuale të përfituesit. Personat që pretendojnë të jenë shfrytëzues kanë afat deri në gjashtë muaj pas vdekjes së pjesëmarrësit për t'ia dorëzuar kërkesat Fondit.....”*

*“.....Nëse pjesëmarrësi i cili nuk e ka blerë pensionin vjetor në pajtim me këtë nen vdes para moshës së pensionit, shuma në llogarinë e pjesëmarrësit i paguhet përfituesit apo shfrytëzuesve. Pagesa mund të bëhet në formë të dhënies së shumës së përgjithshme apo të transferit në llogarinë individuale të përfituesit. Personat që pretendojnë të jenë shfrytëzues kanë afat deri në gjashtë muaj pas vdekjes së pjesëmarrësit për t'ia dorëzuar kërkesat Fondit. Fondi mund të vendosë se përfituesi i cili është bashkëshort apo bashkëshorte ligjore ka të drejtë në llogarinë e plotë individuale dhe mund ta paguajë këtë shumë menjëherë pas marrjes së vendimit. Fondi vërteton gjendjen aktuale të shumës në llogarinë individuale të pjesëmarrësit në kohën e pagesës dhe dërgon cilëndo shumë për të cilën vendoset se duhet të paguhet pasi që të jetë bërë pagesa bazuar në barazimin vijues brenda nëntëdhjetë (90) ditëve nga cilado datë vijuese e raportimit kur vërtetohet se një shumë e caktuar pas barazimit duhet të paguhet.”*

Neni 14, Fondet plotësuese pensionale të punëdhënësit, citojmë:

*“Punëdhënësit mund të sigurojnë pensione plotësuese të punëdhënësit nëpërmjet krijimit të fondeve plotësuese pensionale të punëdhënësit (“fondet pensionale”). Fondet pensionale janë persona juridikë joprofitabilë, të krijuar në formë të fondeve për drejtimin e fondit pensional. Fondi pensional do të krijohet nëpërmjet një akti themelues të nënshkruar nga organi më i lartë qeverisës i punëdhënësit a i punëdhënësve për krijimin e fondit pensional sipas këtij ligji. Përmbajtja minimale e aktit themelues për krijimin e fondit pensional do të specifikohet në rregulloret që do t'i nxjerrë BQK-ja. BQK-ja e miraton përmbajtjen e çdo akti themelues. Mjetet pensionale të fondit pensional burojnë nga kontributet e bëra në llogari të pjesëmarrësve të fondit pensional dhe investimet e bëra me ato kontribute.”*

Neni 21, Format e pensioneve plotësuese individuale, citojmë:

*“Një person fizik mund të krijojë një pension plotësues individual për veten e tij duke bërë kontratë me një bankë të licencuar, me ndonjë instrument për investime të hapura ose me një tjetër institucion financiar për menaxhimin e një fondi të pensioneve me kontribute të caktuara, ose duke bërë kontratë me një kompani të licencuar sigurimesh për një pension të caktuar të beneficioneve. Të gjithë siguruesit e pensioneve, p.sh. institucionet financiare, instrumentet për investime të hapura, bankat dhe kompanitë e sigurimit që sigurojnë pensione plotësuese individuale janë fiduciarë të pjesëmarrësve që blejnë pensione”.*



Qend



## **Ligji Nr. 03/-161 për Tatim në të Ardhura Personale**

Neni 7, paragrafi 1.9 parasheh që Pensionet e paguara nga një punëdhënës i përparshëm, apo në përputhje me Ligjin mbi Pensionet në Kosovë, do të përfshihen në të ardhura bruto, citojmë:

*“Pensionet e paguara nga një punëdhënës i përparshëm, apo në përputhje me Ligjin mbi Pensionet në Kosovë”.*

Sipas Nenit 6, paragrafi 1 – Shkallët e Tatimit, citojmë:

*“Për të ardhurat të tatueshme në periudhën tatimore që fillon më 1 Janar 2009 dhe periudhat tatimore pasuese, tatimi në të ardhura personale ngarkohet sipas shkallëve në vijim:*

*1.1. Për të ardhurat e tatueshme 960 euro ose më pak, zero për qind (0%);*

*1.2. Për të ardhurat e tatueshme mbi 960 euro deri në 3000, duke përfshirë edhe shumën 3.000 euro, katër për qind (4%) të shumës mbi 960 euro*

*1.3. Për të ardhurat e tatueshme mbi 3.000 euro deri në 5,400, duke përfshirë edhe shumën 5.400 euro, 81.6 euro plus tetë për qind (8%) të shumës mbi 3.000 euro dhe*

*1.4. Për të ardhurat e tatueshme mbi 5.400 euro, 273.6 euro plus dhjetë për qind (10%) të shumës mbi 5.400 euro”.*

Sipas Nenit 38, paragrafi 4 – Mbajtja e tatimit në Paga, citojmë:

*“Pensionet e paguara nga, apo për interes të, Trusti i Kursimeve Pensionale të Kosovës, apo nga një fond i autorizuar plotësues i pensioneve i rregulluar me legjislacionin mbi Kontributet pensionale, i nënshtrohet mbajtjes së tatimit në burim nga paguesi i pensioneve të tilla në shkallët e parapara në nenin 6 të këtij ligji.”*

Sipas Nenit 38, paragrafi 5 – Mbajtja e tatimit në Paga, citojmë:

*“Secili punëdhënës, apo person që kërkohet të mbajë në burim sipas paragrafit 4 të këtij neni, dorëzon pasqyrën e tatimit të mbajtur në burim dhe e transferon shumën e tatimit të mbajtur në burim në llogarinë të caktuar nga Administrata Tatimore në një bankë, apo institucion financiar, i licencuar nga Banka Qendrore e Kosovës brenda pesëmbëdhjetë (15) ditëve pas ditës së fundit të secilit muaj kalendarik, në përputhje me aktin nënligjor të lëshuar nga ministri”.*



4. Personi i cili ka të kursyera vlerën prej 17,000€, ka vdekur para se të arrijë moshën e pensionimit dhe Fondi / Ofruesi i pensioneve i paguan përfituesit shumën e tërësishme në vlerë prej 17,000€.

Të ardhurat e tatueshme	Baza tatimore	Norma Tatimore	Tatimi në të Ardhura Personale [€]
0 deri 960	960	0%	0.00
960 deri 3,000	2,040	4%	81.60
3,000 deri 5,400	2,400	8%	192.00
5,400 deri 17,000	11,600	10%	1,160.00
<i>Obligimi tatimor për periudhën</i>			<b>1,433.60</b>

## PËRFUNDIM

Vlera e pensioneve të kursyera të cilat do të tërhiqen nga përfituesi si shuma të tërësishme, do të taten sipas shkallëve vjetore, siç janë paraparë me Ligjin Nr.03/L-161 për TAP. Po ashtu, shumat e tërësishme që do të përfitoj trashëguesi pas vdekjes së përfituesit i cili nuk ka arritur ende moshën e pensionimit, do të taten sipas shkallëve vjetore siç janë paraparë po me të njëjtin Ligj.

Ndërsa vlera e pensioneve të kursyera të cilat do të tërhiqen nga përfituesi në faza të shprehur në përqindje sipas bilancit të llogarisë, propozuar nga Fondi apo Ofruesi i pensioneve, do të taten sipas shkallëve mujore siç janë paraparë me Ligjin Nr.03/L-161 për TAP.

## HYRJA NË FUQI

Ky Vendim Shpjegues Publik hynë në fuqi më 01.01.2015 dhe i njëjti anulon Vendimin Shpjegues Publik "Trajtimi për çështje tatimore i Pensioneve me shumë të tërësishme" të datës 15.07.2009

Datë: 22/12/2014

Prishtinë

Drejtori i Përgjithshëm

(Behxhet Dajiti)

Zyra Qendrore

